

Disputatio medica inauguralis, de hydrocephalo acuto : quam, annuente summo numine : ex auctoritate reverendi admodum viri, D. Georgii Baird, SS.T.P. Academiae Edinburgenae Praefecti : nec non amplissimi senatus academici consensu, et nobilissimae facultatis medicae decreto : pro gradu doctoratus, summisque in medicina honoribus ac privilegiis rite et legitime consequendis, eruditorum examini subjicit / Thomas Petter Powell, Anglus, Soc. Reg. Phys. Edin. Soc. Hon.

Contributors

Powell, Thomas Petter.
University of Glasgow. Library

Publication/Creation

Edinburgh, 1795.

Persistent URL

<https://wellcomecollection.org/works/khgc6ns>

Provider

University of Glasgow

License and attribution

This material has been provided by This material has been provided by The University of Glasgow Library. The original may be consulted at The University of Glasgow Library. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

THE
LIBRARY
OF THE
MUSEUM OF
COMPARATIVE ZOOLOGY
AND ANATOMY
OF THE
HARVARD UNIVERSITY
CAMBRIDGE, MASS.
1880

JA

GULI

LITERA

AM

JACOBO POWELL,

PATRI INDULGENTI,

HONORANDO ;

ANIMI GRATI

PEREXIGUUM EHEU !

SIGNUM ;

ITEMQUE,

JUVENI OPTIMO

GULIELMO A. BURKE,

MORIBUS INGENUIS,

VIRTUTE EXIMIA,

LITERARUM BONARUM SCIENTIA

ORNATO ;

AMICITIÆ INTAMINATÆ

DOCUMENTUM :

HOC OPUSCULUM

SACRAT

AUCTOR.

Digitized by the Internet Archive
in 2016

DISPUTATIO MEDICA

INAUGURALIS

DE

HYDROCEPHALO ACUTO.

ETSI minime credendum est, mortales ab hoc morbo priscis temporibus immunes fuisse, tamen Natura ejus medicos antiquiores prorsus latuit. Signorum ejus indoles obscura, neglectæque cadaverum sectiones in causa sunt cur tamdiu ad alios morbos soporosos, vel ad vermes, hujus morbi indicia, referri sole-

A

bant.

bant. HIPPOCRATES* profectò plurima hydrocephali acuti signa recensuit ; sed de alio prorsus morbo eum differuisse luculenter patet ; quod curationis methodus proposita probat, quippe qui “ inciso juxta sinciput capite ad “ cerebrum usque perforare, et velut sectio- “ nem per terebram curare” jubet.

Alii etiam et olim et nuper de morbo sub hydrocephali nomine verba fecerunt ; sed observationes eorum ad hydrocephalum externum vel saltem ad interni speciem chronicam pertinent : In eâ caput nonnihil, aliquando mirifice tumet, hiant cranii futuræ, et quasdam mutationes quod ad formam et magnitudinem cerebrum subire invenitur : Tanta in quibusdam exemplis fuit aquæ quantitas, ut maxima cerebri pars deesse visa est, restante tantum substantiâ glandulam potiusquam cerebrum referente. Nescio an Arætei† verba

* De Morbis, lib. ii. cap. 6. CHARTER, tom. vii. p. 556.

† Caput de Cephalæa.

ba ad hunc morbum referunt. Sennertum femel iterumque * eum vidisse verisimile est.

Sed pauci effluxerunt anni ab eo tempore quo hujus morbi vera natura et indoles plenius intellectæ sunt, ejusque indicia accuratè enumerata sub † titulo Hydrocephali interni: ‡ Hoc nomen sibi adeptus est morbus, ex eo quod medici putarunt, aquam in specie chronicâ secus ac in acutâ, non in ventriculis sed inter cerebrum et cranium collectam esse: sed quoniam novimus in illo etiam morbo ventriculos nunquam non aquâ distendi, nomen *Hydrocephali Acuti* morbo nostro, distinctionis gratiâ magis videtur accomodatum. De hoc igitur, non autem quippe propriâ experientiâ noto, sed a scriptoribus auxilium petens, et alienæ industriæ fructu libere utens pauca admodum scribere meum erit.

Impuberes

* Pract. Lib. i. part. 3. sect. 2. cap. 26.

† Med. Essays Edin. vol. iii. p. 305.

‡ Ibid. et Dr WHYTT's Essay on Dropsy of the Brain.

Impuberes præcipue hic morbus adoritur, et inter annum ætatis secundum et decimum; sed licet ita plerumque sit tamen ante annum secundum vel etiam primum haud ita raro impetum facit; ferunt nonnulli medici, et hi quidem nobiles exempla adolescentium, immo adultorum, eo laborantium: Casus haud pauci prostant, ubi annum inter vicesimum et tricesimum vitam degentes corripuit*: a Dre QUIN quoque accepimus mulierem 40 annos natam in Nosocomio Edinenfi mortuam esse, cujus in cerebri ventriculis humoris copia limpidi reperta est.

Quod ad sexum attinet, vix ullum discrimen notari solet: asserit tamen LUDWIG †, quod si post annum decimum impetum faciat, puellas plerumque adoritur; ante istam vero ætatem

* London Med. Obs. vol. iv. p. 55. 57. and 86. vol. vi. p. 58. 60. Med. Com. vol. vii. p. 221. Gregor. Prælect. de Medic. Practic.

† De Hydr. cerebri Pueror. Baldingeri Sylloge, vol. v. p. 184. Med. Obs. vol. iv. p. 41.

ætatem maribus, æquo ac fœminas, malum est commune.

De tempore hujus morbi accessus et de ejus duratione, inter auctores non convenit. Dr WHYTT* præstat eum tardis passibus invadere, et sæpe in plures, sex sc. vel septem hebdomadas produci. Dr FOTHERGILL† testatur se raro morbum vidisse ultra tertiam septimanam protractum, sæpe vero intra memoratum tempus finitum: Infantes se vidisse, qui optima salute, et ingenio hilari potiti, subito correpti et intra dies quatuor decim trucidati sunt. Secundum Doctoris PERCIVAL‡ calculum, ex exemplis novemdecim, septem intra hebdomadam secundam, altera sex intra tertiam, quatuor intra quartam cursum suum absolverunt; unam ad septimanam prope sextam, aliud ad duodecimam protractum fuit.

Hujus

* On Dropsy of the Brain.

† Med. Obs. vol. iv. p. 44.

‡ Med. Facts and Obs. vol. i. p. 119.

Hujus morbi indicia in tria stadia pro pul-
sus statu usitate dividuntur ; quorum primum
dies quatuordecim vel multo amplius perstare
dicitur, sed plerumque intra illud tempus fi-
nitur.

Incipiente morbo per dies quosdam languo-
re, anorexia, nausea et capitis dolore levi affi-
citur æger, pallidus, macer, somniculosus, ani-
moque demissus fit. Haud raro autem ala-
crem et vegetum subito adoriuntur sympto-
mata sequentia : De nausea et de dolore acu-
to in aliqua capitis parte conqueritur æger,
in vertice, in uno, aliove latere, sed præcipue
supra oculos ; dolor etiam nucham et hume-
ros plerumque, et sæpe crura et brachia occu-
pat, et tunc capitis dolor, et nausea minus
sunt graves ; et si artus doloris expertes sint,
tunc caput et ventriculus gravius laborant.
Dolor etiam capitis cum ventriculi affectione
nonnunquam alternat : si valde urgeat cepha-
lalgia, vesperi fere intenditur, et mane levior
fit : interdum parvam tantum capitis partem
occupat,

occupat, et secto cadavere illam juxta partem plerumque tumor in cranio inventus est *. Dolor brevi valde indenditur; nausea et vomitus bis terve in die semper fere urgent, et de his alternatim conqueritur æger; jacere cupit, sed fugit somnus, et vigiliū pervicax miserum tentat; per intervalla tamen dormitat et dentibus frendet, nasum digitis carpit, et sæpe perterritus expergiscitur; dum vigilat suspirat sæpe, anhelatque; miram sensibilitatem oculi adipiscuntur, et lucem tolerare vividam non possunt; lingua interdum albescit, interdum egregie nitet; fitis urget; dolet nonnunquam abdomen, alvus pertinaciter astricta est, et difficillime cathartici movetur; rarius adest diarrhœa cum obstipatione alternans; fæces odore fœdo, et colore sunt viridi; urina, varia quod ad colorem, et sedimentum quod deponit, nihil utile monstrat; aliquando adfunt convulsiones, leves tamen et parum generales. Ad vel cito post morbi initium

* GREGOR. Prelection. de Medicina Practica.

tium pulsus frequentior evadit, et calor cutis, præsertim capitis, augetur; pulsus interdum centies quadragies in minuti spatio micat, plerumque regularis est, et modice plenus. Pulsus frequentia, et alia pyrexiaë signa remissiones sæpe habent, sed raro tempore quovis definito; interdum autem vespere aliqua cum regularitate redeunt paroxyfmi, cum faciei rubedine, et delirio, aliquando feroci, præsertim si adultus sit ægrotus: Cætera etiam symptomata, remissiones et exacerbationes, incertis quoque temporibus, subeunt.

Stadium secundum incipere dicitur, ubi pulsus, antea celer, nunc lentus evadit: Hanc mutationem subit viginti quandoque dies, sæpius autem decem, ante mortem; pulsus non tantum tardior quam in primo stadio fit, sed infra statum sanitatis naturalem descendit, ita ut interdum haud amplius quam quinquagies in horæ sexagesima parte micent arteriaë. Hæc pulsus tarditas adeo constans est, ut Dr WHYTT unum tantummodo vidit exemplum

plum in quo ad normam saltem naturalem non descendit; et in illo etiam, antea centies quadragies, postea vix centies in minuti spatio arteriæ micuerunt.

Pulsus licet decreascat, cutis tamen calor non imminuitur, sed idem fere remanet: Omnia pene primi stadii symptomata nunc perstant, nonnulla augentur, et nova quædam adveniunt. Æger perpetim luget et horrifice ejulat, et terrificas figuras se interdum cernere dicit; sæpe autem de nihilo prorsus conqueritur; toro residere nequit, sed perpetuo vigilat; et adeo a motu abhorret ut urinam per horas duodecim vel quindecim detinet: ad hujus stadii principium vel aliquando ante, oculorum sensibilitas plurimum imminuitur, pupillæ gradatim dilatantur, neque lucis stimulo sese contrahunt; incipit strabismus, oculis extrorsum, vel nasum versus tortis, et objecta duplicia videntur; halitus fœtore peculiari ingrato inquinatur. Circa hujus stadii finem supervenit coma, et tunc capitis dolor minus

urget, et nausea et vomitus minuuntur vel penitus cessant, et cibus sæpe avide devoratur: Vermes frequenter evomuntur vel dejiciuntur.

In tertio stadio, quod a duobus ad decem dies ante obitum incipit, pulsus tertiam rursus mutationem subit, et æqualior, simul autem frequens et debilis fit; varia est celeritas, sed vix minus quam centies viginties in minuti spatio micat pulsus; et unum vidit exemplum Dr WHYTT in quo ad ducentum et decem ascendit: sæpe in decursu unius diei variat pulsus frequentia; sed semper maxima est eo die quo ægrotus mortem oppetit. Augentur nunc coma et stupor vel si ad sensum quendam excitetur æger, parum cohærentia murmurat; sæpe caput versus admoventur manus; oculi magis afficiuntur: Strabismus augetur; pupillæ contrahi desinunt admota etiam luce fulgentissima, et amaurosis perfecta aliquandò supervenit; una imprimis, dein utraque palpebrarum fit paralytica; parum afficitur

afficitur auditus nisi juxta finem. Tandem respiratio fit difficilis et stertorosa, longo post singulam expirationem interposito intervallo; oculorum tunicae adnatæ inflammatae rubescunt; sæpius in die alia gena incandescit et rubore suffunditur, altera cum labiis pallida et frigida manente; corpus totum, sed præcipue brachia et mammæ, maculis scatent rubris; lingua et fauces rubent; deglutitio ægre perfici potest; diarrhœa nunc haud raro adest, et fœces et urina inscio ægro dejiciuntur; tota facies et artus valide convelluntur; tendines subsaliunt, et sic naturæ concedit æger.

Interdum autem non ita perit, sed, cessantibus convulsionibus, cutis calor plurimum intenditur; sudore perfunditur corpus; vacillat pulsus et irregularis tandem et frequentissimus fit, et mors quasi pedetentim miseriis finem imponit.

Hoc modo hydrocephalus acutus si exitium afferat, cursum suum plerumque absolvit;

vit; sed in omnibus fere morbis, et in hoc præcipue variationes quædam sæpe observantur. Nonnulli* per totum morbi decursum a nausea et vomitu immunes sunt, et cibum avide devorant. Non semper adfunt delirium, strabismus, pupilla dilatata, pulsus tardus et inæqualis†. In exemplo a PAISLEY‡ narrato, pulsus die proximo ante mortem tardus et intermittens fuit. Unum vidit casum GREGORY illust. § in quo morbus cum amaurosi incepit.

Signis morbi traditis proximum est ut, quæ interaneis cadaverum introspectis sese offerant, ea narremus. Cranio aperto nonnunquam statim inter cranium et cerebrum, aquæ quantitas parva, interdum etiam sanguinis coacti,

* Dr MACBRIDE's Introduc. &c. and Dr RUSH's Med. Enquiries, vol. ii. p. 209.

† RUSH, ibid. and Dr WHYTT, loc. cit.

‡ Edin. Med. Essays, vol. iii. p. 305.

§ Prelect. de Medic. Pract.

coacti, reperitur. Copia laticis haud exigua turgescunt cerebri ventriculi, interdum unicus solummodo, sæpius autem ambo laterales. Ventriculi etiam tertius et quartus aquam sæpe continent, interdum vacui evadunt: multum variat copia in diversis casibus, sed ut plurimum a duabus ad uncias sex: usitate coloris expers est liquor, interdum vero subflavus. Fluidum hoc, secus ac illud quod in thorace et abdomine hydropicorum invenitur, calore non coagulatur, sed igni objectum in auras, nullo prorsus restante sedimento, dissipatur. Cerebri substantia firma et naturali crassitudine prædita est, et aspectu parum mutata: haud raro tumores variæ molis inveniuntur in durâ matre, interdum in abscessus abeuntes: nonnunquam vix æquant magnitudine fabam parvam; tumorem attamen WHYTT celeb. vidit intra Thalamum nervi optici dextri, ovo gallinaceo vix minorem, colore intus subflavo, et duritie insigni notabilem. Pituitaria et pinealis glandulæ tumidæ sæpe

sæpe et schirrosæ sunt ; septum lucidum solito crassius et opacum ; plexus choroideus pallidus vel durus schirrosusque cum hydatidibus parvulis ; piæ matris vasa plerumque sanguine turgescunt, superficie hic illic crusta inflammatoria interdum, rarius licet obducta et rubedo generalis per totum cerebrum subinde videtur. Quod ad cæteras corporis partes, hæ nullam speciem constantem præstant : glandulas cervicales mirum in modum tumefactas vidit Dr QUIN. Viscera mollia et laxa, pulmones tuberculis scatentia, intestina vacua et inflammata, lumbricos mortuos continentia, glandulæ mesentericæ tumidæ et inflammatae variis in cadaveribus observantur : In aliis autem vere multis ab omnî morbo immune fuit reliquum corpus. Nonnullis in exemplis, quibus æger cito periit post signorum quorundam accessum quæ pro hydrocephali indiciis habita sunt, nullus inventus est liquor aut in ventriculis aut in cerebri alia parte, sed vasa et cerebri et membranarum ejus inflammationis

mationis signa exhibuerunt et sanguine tulerunt, quasi summa anatomici arte repleta *.

DIAGNOSIS—Morbum inter hunc ingruentem et alios quosdam haud parum difficilis est. Plurima indicia huic cum aliis a dentitione et aliis irritationibus, sed præcipue a vermibus, orientibus communia sunt. At si juvenem lenta febris intermissionibus et exacerbationibus inæqualis, cum nausea, vomitu, capitis et præsertim frontis dolore, lucis impatientia, vigilia et obstipatione ægre superanda, adoriatur, morbus dirus metuendus est: sed secundi stadii advenientia symptomata, pulsus sc. tardus et inæqualis, coma, pupillæ dilatatæ et strabismus, primum stadium excipientia, de morbi naturâ dubitare vetant.

De diagnosi inter hunc morbum et verminationem, ita differit amicus meus dilectus

* QUIN. Thes. p. 21. 23. Med. Facts and Obs. vol. i. p. 127.

tus * Doctor TROUP : " Hydrocephalo interno
verminationem dignoscere valde difficile est.
WHYTTIUS, medicus apprime sagax, ubi de
hydrocephalo differit, ait, hunc ab illo morbo
internosci interdum non posse, cum præsertim
eadem ferme signa utriusque communia sint ;
in utroque enim æger dentibus frendet ; nares
carpit ; ex somno subito expergiscitur ; som-
niis horrificis inquietatur ; oculi item hebes-
cunt, eorumque pupillæ diducuntur ; dolet
perquam caput ; dolet etiam abdomen. Ve-
rum internosci tamen possunt morbi animum
ad sedem doloris et signa quæ comitantur ad-
vertendo : verminosis enim dolet totum caput,
licet obtusius, et insolitâ vertigine afficitur ;
hydrocephalicis dolet una tantummodo pars,
modo occiput, modo sinciput supra oculorum
orbitas, neque raro inde huc dolor, vel uno
tempore ad alterum dictis citius transvolat ;
his

* Disput. Inaug. de Lumb. Intest. Teret. Edin.
1793. p. 28. &c.

his constantior est dolor et æqualior, illis remittit identidem et interjectis temporibus ingravescit.

Signis quoque aliis, quibus notantur morbi de quibus hic differitur inter se aliquatenus differunt. Hydrocephalo urgente alvus pertinaciter compressa est, usque eo ut cathartici quidem medicamentis moveri nequeat; rodentibus autem intestina vermibus, plerumque fluit et mucus parva haud quantitate dejectur; verminosis, raro autem hydrocephalicis, tumet abdomen et comprimente aliquo dolet; vermibus intestina rodentibus primum afficitur abdomen, deinde aliæ partes; urgente hydrocephalo primum afficiuntur aliæ quædam partes, deinde abdomen: hydrocephalus internus pauciores plerumque annos natos afficit quam qui vermiculantur. Hydrocephalici ferius ocius strabones evadunt, neque nisi in longitudinem porrecti incumbere possunt; verminosi rarissime ita si unquam.

Hydrocephalus provectus, verminatione facile dignosci potest. In illo enim morbo, fecus ac in hoc, arteriæ tarde et inæqualiter micant; pupillæ oculorum paulatim dilatantur, aliaque simul signa cerebrum compressum manifestant."

Dentitioni difficili multa signa cum hydrocephalo incipiente communia sunt, febris sc. nausea, vomitus, vigilia, aliaque: sed illo morbo laboranti minus accedit ætatis quam hydrocephalico; alvus facile movetur: Infans porro dentiens digitos in os immittit; sæpe convellitur, et introspectis faucibus gingivæ tumidæ et rubræ videntur.

Hydrocephalo chronico et acuto, utrique suæ notæ sunt, quibus inter se dignoscuntur. Infantibus illo morbo correptis tumet caput; at si provectioris sit ætatis æger, ossium durities obstat ne tale adsit signum, et alia ad morbos dignoscendos petenda sunt. Illo urgente morbo pulsus plerumque frequens et nunquam ut in hoc tardus fit: in illo quam in hoc convulsiones

vulſiones magis tentant: in hoc porro fecus ac in illo lucis intolerantia, et ſæpe delirium urgent. Ille denique per aliquot menſes vel etiam annos perſtat, hic rarius ultra menſem producitur.

Obſtructis glandulis meſentericis febris adest irregularis; ſed pulſus, morbo durante, nunquam lentus fit ſic ut in hydrocephalo, nec tantum dolet caput nec urget vomitus: in illo etiam morbo timet plerumque abdomen et plus dolet quam in hoc.

Pulſus tardus et irregularis fit interdum colicâ, cephalalgia et ventriculi affectionibus laborantibus; ſed his cutis, ſecus ac hydrocephalicis, frigidula et naturalis manet.

Morbi progreſſum attente obſervando, hydrocephalum ab iis ſymptomatibus, quæ februm aliarum finem comitantur, facile diſtinguere licebit.

CAUSÆ REMOTÆ. — Hydrocephalus acutus eos, qui labe ſcrofuloſa laborant, præcipue aggreditur

aggreditur. Ex viginti et duobus exemplis a Dre PERCIVAL citatis * undecim manifestè scrofulosa labe prædita erant; tria alia ejusmodi signa, minus licet manifesta, miserunt, et quatuor præternaturalis molis capita habuerunt. Morbus tamen ipse vix hæreditarius dici potest; plures enim, imo omnes ejusdem familiæ infantes haud raro corripuit, dum nulla ejus indicia in parentibus aut cognatis observari potuerunt: fertur etiam ejusdem sobolis fæminas hoc morbo succubuisse, salvis omnino maribus †.

Labes autem hæc peculiaris nulli sæpe vitio evidenti aut temperamento tribui potest: infantes enim sanitate firmissima, corpore valido, mira gnavitate, ingenio vivido et acuto fruentes, frequenter hoc morbo corripiuntur: sæpe etiam fuit cutis eximie nitida et venusta,

* Med. Facts and Obs. vol. i. p. 129. et LUDWIG. Dissert.

† QUIN on Dropsy of the Brain.

venusta, vegetus oris color, frontis, temporum et colli venæ cæruleæ et prominentes, oculi lyncei et acuti. Sed res non ita se semper habent; nam quidam et lentioris ingenii et corporis debilis vultusque pallidi eo laborare solent: observatum est quo robustiores fuerunt pueri, eo violentius morbum impetum fecisse, et progressum in adultis quam in infantibus rapidiorem fuisse.

Hydrocephalus dicitur impetum fecisse post febres intermittentes, rheumatismum, phthisin pulmonalem, pertussim, variolam, rubeolam, scarlatinam, dentitionem, paralyfin, dysenteriam, percussam capitis tineam, veterum ulcerum sanationem: Hi igitur morbi pro causis recensentur, quæ indirecte* agunt.

Jure, fortasse, pro causâ habetur verminatio a clar. RUSH †: “ Notwithstanding the
“ discharge

* RUSH's Med. Inquir. vol. ii. p. 211. &c.

† Ibid. p. 214.

“ discharge of worms gives no relief in this
“ disorder, yet there is good reason to be-
“ lieve, that it has in some instances been
“ produced by them.”

Inter causas autem, quas vocat *directas* auctor * citatus, longe frequentissima est ictus capiti illatus; sed præter hanc aliæ enumerantur quæ huc referri debent, insolatio sc. exercitatio immodica, frigus: exemplum memorat Dr PERCIVAL † puellæ sudore persusæ, quæ cyathum aquæ frigidæ potavit, et statim inde dolore capitis gravi, a cæteris hujus morbi signis brevi secuto, correpta est. Haud raro autem nulla prorsus causa notari potest.

CAUSA PROXIMA. — Quoniam ne unius quidem morbi quo corpus humanum laborare solet, naturam veram et causam, ut vocatur, proximam pro certo compertas habeamus, minime

* Ibid. p. 211.

† Med. Facts.

minime mirandum est causam hujus morbi proximam parum accuratè vel distinctè nobis notescere ; notitia enim imperfecta admodum quam de cerebri et nervorum actione (si ita loqui liceat) habemus, et de modo quo variæ corporis functiones ab iis pendent, dubitationem et caliginem eorum morbis obducit. Analogia judicantes plurimi auctores hunc morbum ab iisdem causis quibus et alii hydropes oriri putarunt, ruptis sc. lymphaticis vasis, exhalantibus laxatis, bibulis debilitatis et morbis antecedentibus cachexiam et sanguinis tenuitatem atque pauperiem producentibus : sed has causas potius sequitur hydrocephalus chronicus, ab aliis hydropis speciebus naturâ parum discrepans. Existimat PERCIVAL hydrocephalum acutum sæpiissime ab obstructionibus oriri, et cadaverum sectiones hanc rem comprobare ; et profecto minime negandum est tumores in cerebro, quorum modo mentionem fecimus speciem chronicam gignere posse, eodem modo quo hepatis aliorumve

rumve viscerum tumores, asciten. Rejectis his omnibus, restat ut quædam de Doctoris QUIN opinione dicamus: hic auctor *, causis morbi evidentibus et phænomenis primi ejus stadii attente consideratis concludit causam proximam esse vasorum cerebri inflammationem. In hanc opinionem adductus Dr RUSH morbum hunc *phreniculæ* † nomine signavit.

Ut huic sententiæ accedamus, suadent causa concitans longe frequentior, morbi incipientis phænomena et sectiones cadaverum, quorum post omnia signa hydrocephali acuti jam inchæati nullum interdum fluidum in cerebri ventriculis inventum est, sed vasa omnia sanguine valde turgida fuerunt: hinc concludere licet laticis effusionem, in iis qui post morbum diutius persistentem succubuerunt, inventi, hunc statum vasorum inflammatum secutam esse et pro causa agnovisse.

Contra

* Thes. de Hydroc. Acuto, Edin. 1779.

† Med. Inquir. vol. ii. p. 215.

Contra hanc opinionem contendit Dr PERCIVAL, infantes scrofulosos præcipue hoc morbo corripì, in his tamen parum verisimile esse diathesin existere inflammatoriam. Huic argumento respondi potest, non solum robustos, sed etiam debiles et macres inflammationi obnoxios esse; hoc docent exempla quædam pneumoniæ, ophthalmiæ, phthisis pulmonalis et demum scrofulæ. In infantibus porro magna caput versus est sanguinis determinatio: “ The peculiar size and texture of the
 “ brain seem to invite the inflammation and
 “ effusion which follow debility to that organ in childhood, just as the peculiar structure and situation of the lungs invite the
 “ same morbid phenomena after the body has
 “ acquired its growth in youth and middle
 “ life *.”

Si hanc de morbi naturâ veram esse opinionem concedatur, facile reddere possemus

D

Quo.

* RUSH. Oper. supra citat. p. 215.

QUORUNDAM RATIONEM SIGNORUM.—Anorexia, nausea et vomitus oriuntur a miro illo consortio prorsus inexplicabili, quod ventriculum inter et cerebrum intercedit, unde omnes fere hujus morbos illius affectio comitatur. Lucis intolerentia auctæ retinæ sensibilitati tribuenda est, quæ potius oritur a statu vasorum cerebri inflammato, ut in phrenitide, et aliis febribus quibusdam, quam ab humore in ventriculis thalamos nervorum opticorum comprimente, et irritante, ut Dr WHYTT suspicatus est; ab eodem pendent vigilia et dolor capitis acutus.

Febris in principio adest in hac ut in aliis inflammationibus, quod vasa cerebri distenta irritationem toti systemati sanguifero communicant: Sed secundo stadio incepto, aqua nunc prius effusa cerebri muneribus obstat, et signa quædam a primo stadio prorsus aliena producit. Retina nunc insensibilis fere evadit, et pupillæ dilatantur, nec luce accedente sese contrahunt ob aquam effusam nervos opticos compri-

comprimentem: compressio etiam cerebro vel potius cerebri vasis, supervenit coma; totius adest corporis languor, et cor vi suâ nervosâ, aliqua saltem ex parte, privatum, irritabilitatem amittit, et hinc pulsus tardus fit et inæqualis. Par est ratio cur respiratio tarda fit, intervallo solito longiore post expirationem interposito: huic aliquod accidit haud abfimile in somno consueto, in quo, ut in hoc morbo, cerebri muneribus quodammodo impeditis, muscoli inspirationi inservientes ad actionem non incitantur, donec molestiæ vel suffocationis sensus urget. Quod signum omnium habetur explicatu difficillimum, id est pulsus in tertio stadio aucta celeritas; nam si ex cerebri compressione pulsus nascatur tardus, nonne aucta compressione tardior adhuc evadere debet? Hic dicere sufficiat, pulsus semper fere accelerari paulo ante mortem; et idem videri potest non solum in hoc sed in omnibus morbis comatosi, ut in febribus nonnullis, in apoplexiâ; et si concedere lubeat vires natu-

ræ medicatrices hic aliquid agere posse, certamen esse mirum in corpore, et omnes ejus potestates ad actionem cieri ad vitam tuendam credere licet : sed de his viribus nobis non satis liquet.

PROGNOSIS—in omni exemplo anceps est ; et plorandum est artem humanam remedia contra plurimos et præcipue hunc morbum satis efficacia non invenisse. Sed haud leve est solamen, spes nostras quam antecessorum minus asperas esse ; hi enim remedia adhibere hâc cum solâ spe, se nempe quod ad morbi naturam instantis errasse ; ex viginti casibus ne unum quidem convalescere vidit Dr WHYTT : eademque fortuna ei cum Dre WATSON aliisque communis fuisse videtur. Sed si fides Doctori PERCIVAL habenda est, prognosis minus infauſta nostris diebus videtur. Ex viginti qui hoc morbo correpti sunt undecim convaluisse invenit.

Quo

Quo diutius perstitit morbus eo majore periculo versatur æger; stupor et coma signa sunt infauissima; et si adveniat stadium tertium cum pulsu debili et frequenti, raro valet ars nostra, et brevi perit æger. Tamen haud defunt exempla fanitatis restitutæ postquam adfuerunt stupor et coma gravis; et Dr DUNCAN clar. unum memorat casum ubi æger post tertium stadium inchoatum convaluit. Fauustus sperandus est eventus, quum vomitus, nausea, capitis dolor, lucis intolerantia, et pulsus frequentia minuuntur, si modo hic æqualis sit et corporis calor imminutus.

CURATIO.—Plurimum forsan prodesse in principio potest ars nostra: “Nulla igitur
 “moræ occasio neque cunctationis, sed valida
 “medicatione opus est.” Incipiente igitur morbo, si dubia de ejus natura sint, urgentibus vomitu, alvi astrictione, capitis dolore et pyrexia, emeticum detur, probe adhibitâ autem curâ ut nec violentius sit nec repetatur;

ex vomitu enim vehementi cerebri inflammatio plurimum augeri potest, detrimento cum irreparabili. Catharticum dari etiam debet ut moveatur alvus; et vermibus et hydrocephalo maxime convenit calomelas. Si ab his medicamentis nullum paretur auxilium, si magna adfit alvi obstipatio amplâ vel modicâ dosi non superanda, tunc adesse hydrocephalum suspicandum est, et ad omnia remedia, quæ inflammationi in capite obviam ire possint, confugiendum est. De his pauca dicere pergemus.

Sanguinis detractio ægri ætate, constitutione, corporis robore et morbi signis dirigi debet; at si puer antea sanus et robustus subito corripiatur, statim sanguis debet e brachio vel capite, sectâ sc. vena jugulari vel arteria temporali, prout res postulent, mitti; et profecto nisi primâ missione remiserint signa, iterum, si sinant vires, iterumque. Liberam sanguinis missionem plurimum collaudat Dr RUSH, et hoc modo morbum sæpe cursu interrumpi

terrumpi affirmat. Si autem debilis fit et macilentus æger, vel si sanguis e brachio jam satis large missus fuerit, tum minor quantitas e capite detracta, admotis cucurbitulis cruentis vel hirudinibus, magis auxilii adferre potest.

Aliquod paratum est levamen cathartico-
rum validiorum usu; ex his jalappa, calomel,
&c. ubertim devorari debent; et per totum
morbum curetur ne alvus sit compressa.

Vesicatoria multum utique levamenti affe-
runt: In quolibet igitur stadio, abradatur sta-
tim capillitium et totum caput, imposito ei ve-
sicatorio exulceretur, et postea fonticuli vel
fetacei ope feri fluxus eliciatur.

Sudoris profluvio, vapore tepido elicitō,
unus prorsus sanatus est æger*; hoc igitur
promoveatur vapore tepido, fomentis, pedilu-
viis vel medicamentis devoratis, velut pulvere
ipēcacuanhæ composito.

Frigus

* Med. Comm. vol. viii. p. 106.

Frigus capiti admotum, aquâ frigidâ vel aceto, &c. lavando, sive pileum luteum induendo, beneficio esse potest*.

An à pediluvio frigidò auxilium tuto peti potest, in dubio versamur: “ Cold, when applied to the feet, as certainly reduces the pulse in force and frequency, as warm water, applied in the same way, produces contrary effects upon it †.” Jacere debet æger humeris levatis, ut impetus caput versus præcaveatur.

In secundo stadio errhina et diuretica adhiberi solent, parvo licet cum fructu. Nonne digitalis purpurea in hujus morbi stadio primo, ut et in aliis inflammationibus prodesse potest, si modo talis devoretur quantitas, qualis pulsus frequentiam minuat?

Electricitas, quæ in quibusdam casibus absorptionem promovere dicitur, in auxilium vocetur.

Omnia

* RUSH. Oper. citat. p. 219.

† RUSH on the Yellow Fever, p. 287.

Omnia inter remedia eminet hydrargyrus; boni ejus effectus viribus iis, quibus obstructions amovendo, exinanitiones et absorptionem promovendo pollet, tribuuntur. Dr PERCIVAL * nos certiores facit hydrargyrum æque prodesse, utrum salivatio excitetur, necne: hoc autem vetat Dr HOME † clarus, qui asserit beneficia ab ejus usu derivata, magna saltem ex parte, a salivæ fluxu excitato pendere. Hanc opinionem olim habuit CULLENUS. Utcunque hæc se res habeat, hoc saltem certum est, nonnullos, quibus salivæ fluxus mercurii ope elicitus fuit, periisse, ‡ dum contra alii, qui signis istiusmodi laborarunt, nulla gingivarum vel salivæ glandularum affectione excitata, convaluerunt §. Probabile tamen videtur

E ptyalifmum

* Med. Facts and Obs. vol. ii. p. 117. Med. Comm. vol. xii. p. 298.

† Prælection. de Med. Clinic.

Med. Comm. vol. v. p. 174. Ibid. vol. xi. p. 298.

§ Med. Comm. vol. viii. p. 325. Ibid. 333. vol. ix. p. 240, Med. Facts, vol. i. p. 118.

ptyalismum aliquid ad morbi curationem conducere.

Hic notandum est, salivam in hoc morbo movere valde difficile esse, et nonnullos teneros infantes stupendam hydrargyri quantitatem, vix a priori credibilem, devorasse, sine ulla faucium affectione aut alio effectu notabili. Puero tres annos nato Dr LEIB * hydrargyrum mur. mit. a grs. 16 ad 20 quotidie adhibuit. Ubertim igitur porrigi debet hydrargyrus, et vel ore devorari potest, vel unguento commistus infricari. Una cum mercurio plurimum professe existimat † Dr PERCIVAL alia et remedia dare, veluti opium, moschum, salem cornu cervi, zincum ustum, scillam, vesicatoria, &c. pro casus circumstantiis, et asserit, ex quo tempore hunc modum est secutus, eum spem rarius quam antea fefellisse.

Si

* Trans. of the College of Physicians, Philadelphia, vol. i. part. i. p. 49.

† Med. Facts, vol. i. p. 112.

Si valde urgeant dolores, opium frequenter et large devorari potest ; at si æger coma afficiatur, aliquid periculi præ se ferre dicitur.

Sed plerumque morbo venienti occurrere facilius est, quam jam adstanti mederi. Si igitur ad hunc morbum appareat proclivitas, et præsertim si ejusdem sobolis antea correpti fuerint infantes, determinationi caput versus, modica, caute autem evitata nimia, corporis exercitatione, diæta idonea, laxantibus remediis mitibus, sed ante omnia setaceo vel fonticulo juxta caput, obviam eundem est. Horum usus tempestivus, antequam morbus adhuc perfecte confirmatus est, quosdam salvos præstitisse visus est, quorum fratres et sorores eodem morbo periire *.

* GREGORY Prælect. de Med. Pract.

F I N I S.

CORRIGENDA.

P. 2 l. 19 *pro* Arætei *lege* Aretæi

5	1	æquo	æque
—	—	fæminas	fæminis
—	3	tempori	tempore
—	17	unam	unum
7	3	indenditur	intenditur
—	12	linqua	lingua
26	6	intolerentia	intolerantia
27	6	respirario	respiratio

FOR THE YEAR 1880

1	1880	1880
2	1880	1880
3	1880	1880
4	1880	1880
5	1880	1880
6	1880	1880
7	1880	1880
8	1880	1880
9	1880	1880
10	1880	1880
11	1880	1880
12	1880	1880
13	1880	1880
14	1880	1880
15	1880	1880
16	1880	1880
17	1880	1880
18	1880	1880
19	1880	1880
20	1880	1880
21	1880	1880
22	1880	1880
23	1880	1880
24	1880	1880
25	1880	1880
26	1880	1880
27	1880	1880
28	1880	1880
29	1880	1880
30	1880	1880
31	1880	1880
32	1880	1880
33	1880	1880
34	1880	1880
35	1880	1880
36	1880	1880
37	1880	1880
38	1880	1880
39	1880	1880
40	1880	1880
41	1880	1880
42	1880	1880
43	1880	1880
44	1880	1880
45	1880	1880
46	1880	1880
47	1880	1880
48	1880	1880
49	1880	1880
50	1880	1880
51	1880	1880
52	1880	1880
53	1880	1880
54	1880	1880
55	1880	1880
56	1880	1880
57	1880	1880
58	1880	1880
59	1880	1880
60	1880	1880
61	1880	1880
62	1880	1880
63	1880	1880
64	1880	1880
65	1880	1880
66	1880	1880
67	1880	1880
68	1880	1880
69	1880	1880
70	1880	1880
71	1880	1880
72	1880	1880
73	1880	1880
74	1880	1880
75	1880	1880
76	1880	1880
77	1880	1880
78	1880	1880
79	1880	1880
80	1880	1880
81	1880	1880
82	1880	1880
83	1880	1880
84	1880	1880
85	1880	1880
86	1880	1880
87	1880	1880
88	1880	1880
89	1880	1880
90	1880	1880
91	1880	1880
92	1880	1880
93	1880	1880
94	1880	1880
95	1880	1880
96	1880	1880
97	1880	1880
98	1880	1880
99	1880	1880
100	1880	1880

TENTAMEN MEDICUM

INAUGURALE,

DE

HEPATITIDE.

PROOEMIUM.

ALlIQUOT annos in plagis ubi pulchra mor-
bos tropicos observandi occasio mihi
data est, commoratus; paucula de hepatitide
ex proprio penu, et experientia, potius quam
ex aliorum scriniis compilatis, deprompta, in
vulgus edere, fatius duxi. Primo quidem, non
solum *vetustae*, sed etiam *acutae*, hepatitidis

A

historiam

historiam fufius tractare animo mecum decreveram ; hujus vero historiam plenam et accuratam ultra difputationum inauguralium limites longius excurrere, comperto ; phaenomena ejufdem notatu digniora, quae ab his, quae fub coelo mitiori ac frigidiori obfervanti occurrunt, aliquatenus mihi diftare videbantur, leviter perstringere fatis habui.

D E F I N I T I O.

Dyspepfia, facies lurida, fubflava, tumidifcufcula ; gravitatis, ac plenitudinis fenfus, cum epigaftrii et hypochondriorum, praefertim dextri, doloribusque, plus minus moleftis, alternans, compreffifcufcula vel decubitu in latus finiftrum, auctis ; dolor ad claviculam, et fumum humeri dextri, aliquando vero finiftri ; faepe dyspnoea, tuffis ficca, dejectiones olidae ; febricula, praefertim vefperi ingruente.

HISTORIA MORBI.

Hepatitis vetusta est vel *primaria*, vel ab alio morbo pendens, *symptomata*: nullusque forsitan ex omnibus, quibus gens humana opportuna est, morbis, majorum signorum varietate, saltem initio, stipatur; adeo ut non solum medicum, sed etiam aegrum ipsum inauspicatum saepius subdole fallat; quippe qui omnia sua studia, nemine suspicante, donec tandem strages horrenda quam ediderat, *anatomici* cultro detegatur, larvatus percurrat.

Saepe initio, dyspepsiae signis, flatu, plenitudinis, inflationisque ventriculi sensu, praecipue post pastum; ructuque vario, praesertim acido, carpitur aeger: cibi appetentia varia, nunc fastidium, nunc insolitum comedendi desiderium urget, cui si forsitan indulgeatur, omnia signa ingravescent: et tanta est ventriculi debilitas, ut cibus vix aegre concoquendus, crudusque, diutius ibi subsistat.

Simulque

Simulque vultus insigniter mutatus, facies subfusca, pallidaque turgescit, oculique nitore suo spoliati, hebetes obscurantur, tunica conjunctiva colore lurido, et aliquando subflavo tincta.

Nec non eodem tempore in regione epigastrica molestiae sensus ad hypochondria dextra usque lancinans emicat; hunc aeger hallucinatus, ventriculi affectionem plerumque falso existimat: hicce dolor pressu ingravescit, ad claviculam, et summum humeri dextri tendere, et cum consimili dolore hic loci alternis vicibus torquere percipitur.

Aeger pariter languore, lassitudine, omnique conatus fastidio, et aliquando ineluctabili dormiendi desiderio afficitur: somnus vero brevis aegri vires quassas raro reficit, saepiusque diris insomniis misere abrumpitur.

Animus tristis gravi moestitia, frequenti-que suspirio fractus, omnium consortium delectamenta-que fugit, et solitudine, sorti suae miserae illachrymandi causa, uti amat.

Ineunte

Ineunte hepatitide primaria, alvus plerumque dura, morbo vero provento, pariterque per totum hepatitidis symptomaticae, sibi non constat, nunc astricta, alias soluta; plerumque vero dejectionibus frequentibus, foetidis, exiguis, mucosis, et abdomine nonnunquam tumido, ac tenso stipatur.

Est ubi nullam fere subit mutationem pulsus, neque validior, neque frequentior, imo aliquando praeter naturam tardus; interdum vero, progrediente morbo, frequens ac debilis, vesperi praesertim micat. Lingua albida, sicca, villisque obducta; cutis arida, dura, atque constructa, urina parca, colorata; respiratio plerumque ab initio laesa; morbi vero progressu, et finem versus, plus, minus, laborat; saepe comite tussi sicca, rauca, atque sonora, lateris dolorem adaugentes. Gingiva exploranti solito durior interdum ab initio videtur.

Est ubi humeri affectio prima in medium prodit, aegro lateris dolorem nondum con-
questo :

questo : interdum vero penitus deest ; saepe tamen licet aegri sensum latuerat, humerum premendo fuscitaveris.

Morbo hucusque provecto, ponderis ac plenitudinis sensum, primo in epigastrio, hypochondriisque, perceptum, dolores hebetes, obtusi, morsusque acerrimi, quaquaversum vellitantes, nec mora, magis diffusi, harumque partium majore minoreve, duritie, ac tumore stipati, levique compressiuncula ingravescentes, alterne excipiunt.

Decubitus in utrumvis latus, praesertim in sinistrum molestus ; aegrotus supinus, humeris leniter acclivibus, dextrorsumque paululum vergens, dolore minus afficitur.

Spiritu multum turbato, dolores instar pneumonicorum, quacum interdum, rarius licet quam hepatitide acuta, conjungitur, citro retroque pectore feruntur : singultus ac vomitus rarius in vetusta, saepius vero in hepatitide acuta grassantur. His signis interdum forte conjungitur icterus ; non vero necessario,

ro, comesque indivulfus, ut quibusdam placuit.

Haec figna varie durant : nunc diutius, alias vero ocys, velociter ingravefcencia, febricula praefertim vefperi, fudoribus nocturnis, macie, viribus fractis, ventrisque proluvie putrida, ac faftidium movente, ftipata, ftadia fua percurrunt ; aegerque febre *hectica*, ex uno, pluribusve abfcelfibus, intra hepar aliove, qua data porta ruentibus, oriunda, e medio tollitur.

Hoc modo plerumque adoriens, progrediensque, finitur hepatitis : facile vero collegeris, impetum, fignaque futura, non folum pro principii diverfitate, agendi modo atque vi, corporis ftatu, adeo fieri poffe diverfa, ut vix unquam in binis, nedum in pluribus aegris, eadem fit.

Ex fupra dictis fignis quaedam penitus defunt ; quaedam vero magis obfcura, quae proxime delineanda funt.

8 DE HEPATITIDE.

Frequentes alvi dejectiones, exiguae, mucosae, et acres, ventrisque tormina abnormia, atque tenesmus inter prima nonnunquam notantur; vultus vero, his nondum subortis, diligentius observanti, a sanitate deflexisse, morbidus, mutatusque, videbitur. Interdum vero aegrotus, nullum dolorem conquestus, cibi fastidio, macie, viribus tum animi tum corporis, fractis, vegeto simul oris colore amisso, tandemque diarrhoea putrida, febreque *hectica*, quae omnia nullatenus a jecore laborante pendere suspicanti exitium afferre valeant, corripitur.

Hoc malo laborantium, dorso, humerique, quod notatu dignum, saepe antrorsum convexa sunt; vitiumque morbo progrediente in pejus ruit; pectusque simul a forma sua deflexum, insigniter, praeter naturam, deformatur.

Est ubi morbus Pyrexia abnormi, incertis intervallis accedente, calore intenso, siti, pulsu debili, parvo, interdumque enormi, adoritur:

et

et licet caloris, molestiaeque sensus, circa epigastrium, hypochondriaque dextra simul torqueant; cum tamen in aliis pyrexiiis similia signa adsunt; magnum curriculi sui spatium nondum in suspicionem adductus, insidiosè decurrit.

Datur febrium intermittentium varietas, Indiae montium indigena; indeque, febris montosa, nuncupata, quae ex jecinoris praesertim lobi sinistri, vitio pendet, cuique viribus hydrargyri folis medetur.

A chirurgo clarissimo spectatae fidei apud Bombay, tria hujusce febris, quae sibi observasse contigerat, exempla, ingenium asthmatis induisse, remediisque huic malo idoneis aliquandiu frustra tentata, tandem hepatitidis signis suborientibus, hydrargyro feliciter profligata fuisse; morbumque, qui uni ex aegris eadem forma rursus acciderat, eidem remedio, sicuti antea, denuo cessisse, certior factus sum.

Hepatitis, moribus nonnunquam mutatis, lento vixque percipiendo pede, vel, causa ali-

qua incitante fortius agente, ex vetusta in acutam subito mutatur: utrum vero haec acuta, an potius vetusta gradu solummodo diversa, antiquo nomine servato, vocanda est, anceps haere.

Vetustam quidem saepe ex acuta oriri contendimus; licet scriptor, qui non ita pridem tractatum publici juris fecit, vetustam fere semper, morbum primarium esse, ponat: hoc equidem aliquando evenire, supra jam concessum est: semper vero fieri, non solum propriae, sed etiam clarissimorum medicorum, quos saepius, data occasione, consului, experientiae, repugnat. Idem auctor in sua morbi historia, stadium acutum describit; hoc tamen in ratione medendi oblivisci, saltem remedia praestantiora, medicorum praeclariorum usu comprobata, penitus praetermittere videtur. Quam statuit, medendi rationi, vetustae, utpote huic satis idoneae, limitibus circumscriptae, facile; acutam vero ex aequo complectenti, generalive morbi divisioni, qua puris generationem

nerationem ex acuta sola pendere ponit, minime assentiri queo: nam ex alibi confessis, auctor jecur omnia morbi latitantis stadia, nemine suspicante, tacite percurrisse, incidendo repertum est.

Hujus mali exempla, commentariaque in vulgus a clar. Doctore CLARK, apud Antiguam edita, magis experientiae nostrae, cognitionique, quam aliunde consequi valueram, quam ulla alia, quae super hoc gravi argumento addiscendi occasio se mihi obtulit congruere, hic loci observari vellem; lobumque finistrum tentari, abscessusque hepatis inter se distinctos, saepius in India Orientali, quam Occidentali, reperiundos; cum hujus unicum tantum exemplum Doctori vidisse contigit.

Infauftis hujusce mali victimis saepe evenit, ut medicum, non nisi abscessu, apice acuminato, foras erumpente, accersant: interrogantibus vero respondent, se ante hoc morbo detentos, doloribus hypochondriorum, febre comitante, plus minus laborasse; domi vero
manendo

manendo, laxantium refrigerantium usu his signis levatos fuisse. Hoc infimae fortis indigenis, qui causis remotis perpetuo objiciuntur, obtingit, quique ob dietam tenuem ex vegetabilibus praecipue confectam, morbo lento, vixque sentiendo misere carpuntur; solitis negotiis impliciti, totas septimanas, imo menses obambulant, neque medici manum, nisi dolore coacti implorant: inde fit, quod morbus, causis incitantibus de novo agentibus, lente, ac pedetentim suppuratione tacite recidivus finitur.

Hepatitis aliorum morborum saepenumero comes, aut signum; huic vero febres intermittentes, ac remittentes, dysenteriaeque minus bene curatae, praesertim fundamenta ponunt; et sane vix Indiae datur morbus, qui ad illam plus minus procliviores non reddat: hique morbi diversi, remediaque, quibus medetur, in qua omnis culpa transfertur, vitia hepatis latitantia in lucem saepe proferunt.

Hos

Hos morbos, usitatis remediis non cedentes, e jecinore oppilato saepius pendere comper-
tum est: huic rei innixi hydrargyro, auxilio
potentiore, et forsitan solo plerumque fere
utuntur medici.

Morbi progressus est admodum diversus;
nunc curriculum suum, intra paucos dies,
velox percurrit: alias vero hepar septimanas,
imo menses, vel etiam annos, nulla causa vali-
diore incitante, lente morbidum marcescit.

Jamque hepatitidis vetustae historia, qua po-
tuimus, cura, ac diligentia, tradita, quaedam
de insignioribus acutae phaenomenis, animad-
vertenda sunt. Haec aequae ac illa regionibus
calidis gaudet; licetque, ineunte morbo, signa
fatis clare plerumque notentur; aliquando
tamen, ut vetustae etiam evenit, adeo obscura,
et subdola sunt, ut quam maxime in arte
versatos subterfugiant.

Aegrum nunc pyrexia violentiore, bilis vo-
mitione, atque singultu, vi deripente, aggredi-
tur; alias vero signorum enormium catervam
lateris

lateris affectio excipit. Haepatitiden gravio-
rem, praeceuntibus aliquot dies generalibus
rheumatismi, praesertim articulorum majorum,
doloribus, qui tandem humerum dextrum
correptum, triduum jecinoris affectione non-
dum sensâ, immane torquebant, mihi observasse
obtigit. Hujusce aegri humerus sinister, ster-
numque medium dolore graviore laborabant;
lobusque sinister princeps inflammationis sedes
videbatur.

Dolor hicce singularis humerum, claviculam-
que subtus angens, interdum primarium, et
saepe morbi decursu signum importunius est,
toto brachio ad digitos extremos usque, quos
torpore, doloreque immobiles reddit, pertin-
gens: idem, at mitior angoris sensus lateris af-
fecti femore ac crure aliquando sentitur. Tho-
racis tegumenta dextri, praesertim supra in-
fraque claviculam, ineunte morbo, leviori
compressiuncula, dolore longe alio ab illo qui,
morbo provento, cum suppuratio hæud dubie
adeft, affecta, semel observavi.

Hepatitis acuta non solum gravioribus, quam vetusta, illave, quae coelo frigido, mitioreve subnascitur, grassatur, sed etiam multo majore velocitate curriculum suum absolvit. Dyspnoea insigni, tussi importuna, doloribusque pectus circumcirca peragrantibus, acuto simul humerum, claviculamque subtus angore torquente; convexam hepatis superficiem potissimum affici; inflammationemque non solum ad mediastinum, pleuramque costarum, sed etiam in pulmones prorepfisse rite collegeris. Tametsi in quibusdam morbi gravioris exemplis, haec signa, hisce partibus salvis, occurrant, illas vero plerumque plus minus semper laborare, facile adducor, ut credam: cumque quo major est pars, eo periculum sit quoque majus, ad hoc animum studiosius in usu advertere necesse est.

Diaphragma interdum tanta cum immanitate afficitur, ut aegrum incurvum, et quasi arcuatum, genibus cubito innixum, quo solummodo

modo dolore levabatur, conspexerim: hic plerumque torquet singultus.

Alvus interdum adeo astringitur, totusque tubus intestinalis tanto torpore corripitur, ut, bile, licet copiosius, ut hinc patet, quod aeger, vomitione biliosa saepius torqueatur, fluente, cathartica fortiora necessaria sint.

Hepatitis acuta maxima ex parte, sed non semper, credo, superficiem hepatis convexam, vetusta vero semper *parenchyma*, sive ipsam jecoris substantiam, sedes sibi vindicant: in hoc abscessus plures, vel secum invicem communicantes, vel instar favi, inter se distinctos reperire est: jecinorisque superficie integra licet et salva, abscessus hosce tamen saepenumero in parenchymate inventos, sectione cadaverum monstratur.

DE USITATIONIBUS MORBI TERMINIS.

Hepatitis, resolutione, et suppuratione, raro vero gangraena, finitur: utrum calidarum
hepatitis

hepatitis plagarum schirro vero unquam excipiat, vehementer dubito.

Quando resolutione, omnium terminationum benigniore, clauditur; hoc plerumque bilem sursum, deorsumque praesertim copiose evacuando evenit; omniumque praecipue in vetusta salutis recuperandae signorum certissimum est; partis enim laborantis vasorum, quorum debilitatem, causam mali proximam postea stabilire conabimur, vim aliquatenus instaurari probat: canalis enim alimentarius solito stimulo diutius orbatus, eadem bilis quantitate, qua, salva sanitate, ad motus placidos et naturales, jam ad abnormes peragendos, supra modum stimulatur.

Sudores universales profusi, urinae secretio, sedimentum copiose deponentis, adaucta, aegri tussi antea laborantis excreatio libera ac copiosa; sanguinis e naribus, anove fluxus, dejectiones mucofae, et superficiei jecur exudatio, partibus vicinis agglutinans, hunc morbi finem alia alio tempore comitata sunt. Exu-

dationem vero acutae propriam, hujusce resolutionem plus minus semper stipare, facile adducor ut credam : plerosque enim, qui ex hoc modo finito morbo convaluere, decubitus in latus sinistrum difficilis, molestiaeque sensus, quovis nisu subito suscitatus, quae, nec injuria in hanc agglutinationem conferuntur, toto vitae curriculo fatigant.

Quando vero suppuratione, quae semper periculosissima habenda, terminatur, vel uno, pluribusve abscessibus, viam foras, in thoracem, pulmonesque, in ventriculum, vel in intestina, per bilis ductus, vel conglutinatione et erosione juvantibus, vel denique in cavum abdominis sibi patefacit; ex omnibus hisce, si extremum excipias, non defuere, qui convalescerunt.

Hic vero animadvertendum, suppurationem adeo lentis vixque aegre percipiendis gradibus surrepere, ut morbus etiam in artis nostrae usu quam maxime versatis fidem faciat, se resolutione fuisse depulsum : dolore enim insigniter

niter remittente, vel penitus una cum caeteris signis, ut saepe evenit, cessante, aeger sanitatis desiderio flagrans, medicusque se morbum debellasse facile credens, in hunc errorem nullo fere negotio inducuntur: hinc fit, ut non solum remedia praestantiora praetermittantur, sed etiam, citius aut serius, tumore foras erumpente, febrique lenta, ex abscessu interno, pureve viam sibi in partem internam sternente, suborta, misere spe sua frustrati decident. Ad ea quae consequuntur animum attendendo ab hoc erroris fonte plerumque cavebitur. Si doloris remissio, aut cessatio aliqua evacuatione critica, non stipetur, si sanis oris color non restituatur, si functiones generales debiliores sint, si denique decubitus in latus sinistrum sit difficilis, et quo longius in hoc cubatur, eo, pro rata parte, decubitus sit gravior, molestia in ponderis sensum, tandemque in dolorem gravissimum desinente, febricula simul, horrore levi, ac abnormi stipata, praefertim vesperi ingruente, scrupulose ac timide

de eventu praefagiendum est ; plerumque enim suppurationem instare, aut jam nunc existere comperiemus : si reliquorum signorum nulla, quae duces sequamur, adsint, ac etiamnum ancipites hereamus, aegrum in latus sinistrum collocatum, diutiusque sic recubantem interrogando, de sensu quo afficitur, utrum inflammationi supervenerit suppuratio dijudicare potuerimus. Ad hanc rem animum altius advertendum volo, quippe qui medicos longa licet annorum serie edoctos, in hunc errorem incidisse probe noverim. Quique egometipse in uno exemplo tametsi quae potui diligentia ab hoc erroris fonte cavebam, morbum resolutione finitum per aliquot dies, credulus, opinatus, cito me toto coelo errasse compererim : abscessus enim aliquanto post, via sibi in pulmones patefacta, aegro exitium attulit.

DE CADAVERUM SECTIONE.

Strages horrenda atque phaenomena, quae cadaverum sectione manifesta fiunt, varia et multiplicia sunt; horum autem pauca tantum brevitatis causa annotabimus.

Quatuor exemplis, quae mihi perscrutandi occasio se obtulit, quibusque in pulmones abscessus viam sibi stravit, pusque aliquandiu ante mortem excreatum fuit, quae sequuntur, notata sunt. Omnibus pulmonum substantia plus minus exesa; tubique bronchiales pure sanguinolento excreato haud absimili, infarcti fuere; pulmo dexter pleurae spatio satis amplo, praecipue circa foramen diaphragmate erosum, quod tribus digitis intromittendis par erat, agglutinatus est: hoc circa foramen plurima dura, mole diversa, quae cultro secta, schirrum specie, duritiaeque referebant, reperta sunt. Horum uno pneumonia ab initio comitante, partes conglutinatae latius patentes,

tentes, arctius ; lobus vero sinister quibusdam locis laxè adhaerere ; pericardioque feri libra flavi reperta : huic miserando pariter lobum sinistrum abscessus tentabat, unde pus quatuordecim diebus ante obitum exivit, quique velociter ad sanitatem, donec alter dextri lobi in pulmones irruperat, spectabat ; omnibus vesicula fellis viscida bile distenta, superficies per aliquod spatium diaphragmati, in uno pariter reni dextro praeter naturam adhaerescere : diaphragmatis tendo omnibus foramine exesus. Jecoris superficies nunc maculis lividis distincta est, nunc vero salva intacta manet : nec datur viscus vicinum, cui aliquando agglutinatum non reperiatur. Vesicam fellis, bilisque ductus nonnunquam inflammatione tentari liquido constat : ductumque communem choledochum inflammatione tantum non deletum, mihi vidisse obtigit.

Pleraque viscerum abdominalium morbi vestigia subinde ostendunt : mesenterii glandulae tumore, ac duritie, praecipue *vetusta*,
dysenteria

dyfenteria fatellite, diutius laborantibus afficiuntur. Splenem quoque morbo tentari, et diaphragma maculis lividis aliquando distinguere compertum est.

DIAGNOSIS.

Morbi quibus hepatitis acuta confundatur pneumonia, gastritis, affectus coli spastici, musculorumque jecori vicinorum dolores rheumatici numeranda sunt: primae nonnunquam conjungitur; cum vero pulmones, ipsorum, costarumve pleura, non tentantur; sequentibus rite perpenfis distinguere poterit: a pneumonia, humeri claviculaeque subtus dolore, qui plerumque semper hepatitidem acutam comitatur, absente secerni potest.

In pneumonia dolores celsiores, latiusque patentes lancinant; dyspnoea et tussis importuniores; excreatio copiosior et interdum sanguinolenta, decubitusque in latus affectum difficilis: contrarium vero in hepatitide evenit; huc pariter accedit quod, in India Orientali,
pneumonia

pneumonia primaria rarius occurrat ; neque magni refert hic paululum errasse ; cum utrique morbo ineunte eadem fere remedia idonea sint.

Debilitas insignis, anxietas, in epigastrio dolor et ardor, ingestis quibuscumque auctus, iisdemque protinus rejectis, humerique dolor absens, gastritiden a morbo nostro facile fecernunt. Lobi finistri inflammatio coli affectus speciem adeo graphice interdum prae se fert, ut, absente humeri dolore, a coli affectione vix aegre distinguenda sit : eo major est hic difficultas, quod dolor interdum adeo obscurus ut vix percipiendus sit, quod plerumque pariter, alvus pertinaciter astricta sit, quodque denique aegrotus in utrumvis latus pari negotio cubare queat : quapropter ad omnium signorum catervam animum advertendo, hepatitiden ab hac coli affectione, partiumque vicinarum rheumatismo, caeterisque corporis affectibus rite solummodo secreveris. In vetusta majores etiamnum difficultates superandae ;

dae; futurum tamen spero, ut historiae morbi supra traditae attentius, studendo, ab omni errore nobis ex illo fonte irrepturo, plerumque caveatur.

CAUSAE REMOTAE

Sunt, *imo*, Calor, praesertim cum hic ac frigus alternis vicibus agant. *2do*, Corporis exercitatio violenta. *3tio*, Intemperantia, praesertim spiritus vini usus immodicus. *4to*, Animi affectus. *5to*, Febres intermittentes, ac remittentes. *6to*, Dysenteria, &c.

Horum omnium calor, stimulorum fortissimus, princeps morbi causa, nobis, utpote quibus persuasum est, caeteras mali causas, aut simili modo, calorisve operi favendo, agere, hic loci potissimum perpendendus est.

Fuse et operosius tractare de operandi modo, quo calor hunc morbum in diversis Indiae Orientalis plagis fuscitet; rationesque reddere, quare in quibusdam saepius, quam in aliis, grassetur, quare denique in aliis, ut in quibus-

dam Indiae Occidentalis plagis licet omnino similibus, eisdemque causis remotis operantibus; raro aut nunquam subnascatur; haec omnia inquam figillatim, et liquido enucleare non solum nos difficultatibus non solvendis praepeditos implicaret, sed etiam hanc dissertationis nostrae partem, ultra solitos, quibus tentamina inauguralia, fines, circumscribuntur, longe necessario proferret: quapropter has solum causas, quae maxime, me iudice, ad hoc malum suscitandum faciunt, hic loci perstringam.

Quaedam vero observationes, quibus, tanquam principiis inconcussis, innixi, caute ratiocinabimur, huic investigationi praemittendae videntur.

Animantia, stimulo quovis quadantenus amoto, et postea de novo addito, majore cum facilitate nunc eodem affici, ac consequens est, in actionem validiorem incitari, lex universalis videtur.

Ut

Ut modo, quo calor, frigusque, fibram muscularem alterni afficiant, aliquod luminis ofundatur, Professore nostrum illustrissimum BLACK, calorem esse veram substantiam, non qualitatem, plurimis periculis nitidis commentariisque comprobasse observandum est; hinc calor alternis vicibus auctus et imminutus corpus eodem modo, quo caetera stimulantia (ut supra dictum est) afficiat oportet. Sic si partem aliquam (manum v. g.) in certo quodam caloris gradu collocatum, ad gradum inferiorem transferas; actionis imminutio statim sequetur; si jam in priorem caloris gradum eandem reducas, actio adaucta, priore tamen major, ob manum jam vi frigoris sedante magis irritabilem factam, subsequetur; si eandem gradui adhuc minori immerfam in priorem revoces, actio vasorum pro rata parte major, subnascatur oportet: adeo ut calorem hoc modo augendo imminuendoque, vasorum actionem eo roboris, violentiae, ac impetus, ut inflammatio, gangraena, aut sphacelus insequantur, facile

facile fuscitaveris. Hujus rei exempla in frigore adustis videre est; calore enim subito, inflammatione, gangraena, aut sphacelo, pro caloris gradu, corripuntur, caute vero et pedetentim, admoto, horum nullo laborant: sic ut mihi videtur, rite explicari potest, quæ calor et frigus alterni morbum, de quo agitur, plerumque excitant.

Licet in quibusdam Indiae Orientalis partibus calor intensior ardeat; si tamen sibi constet, adeo ut non multum supra infrave eundem Fahrenheitii gradum mutabilis fluctuet, Europaei, modo se, munera sua obeundi causa, radiis solaribus objicere non cogantur, secunda valetudine fruuntur. Alibi vero, eodemque loci, vento Indiae statò se vertente; ubi magna caloris, frigorisque alterna varietas; visque aestus diurni frigore nocturno excipitur; vel ubi a terra aura nocturna, ex mari diurna ordine nexae, continuata serie inane alterna perflant, morbi varii, multiplices, natura tamen penitus diversa late dominantur;

prout

prout calor, coelo aqua plus minus onerato, aliisve ad alios morbos proclivioribus, grassetur: calore sicco, phlegmasiae, hepatitis praesertim, humido vero rerum potente, morbi indole penitus diversa resurgentes saeviunt. Hinc fit quod hepatitis saepius in regione Coromandelae maritima, ubique solum ex arena, sabuloque sicco praecipue conflatur, quam in Calcutta, aliisque Bengalae paludibus, vel in coeli statu procelloso, atque umbrifero, recrudescat.

Quaenam ex regionis terrestris hujusce ventis incommoda oriantur, neminem fere latet, plagas arenae immensas, torridas, radiis solaribus ad perpendicularum fere directis, calefactas, non aliter quam si ex furno candenti, erumpentes, percurrunt: tantumque abest, ut perspirationi, illi in regionibus calidis salutari humorum detractioni, quam natura tanta cum sapientia ad proportionis normam distribuere conatur, quo animalia, diversis licet caloris viribus objiciantur, eundem tamen fere semper

per gradum conservant, vel minime faveant, ut etiam ipsam, haud levi mortalium incommodo, insigniter reprimant, totamque fere corporis superficiem exsiccatam arctius contrahant, ac comprimant. Hinc calor insigniter augeatur necesse est: adeo ut interdum multum supra sanitatis gradum affurgat; heparque praesertim, ut ex caloris sensu ibi corporis torquentis, bilisque vomitione statim subsequente, constat, insigniter stimulet.

Si, rebus eo loci se habentibus, aut statim antecedit, aut subsequatur, frigus, ut plerumque aerae ex mari reduci, aut aëri nocturno se incaute objicientibus, frigidave large bibentibus, obtingit, multo graviores edet effectus: atque si hepatitis statim, ut saepe usu venit, oriatur, acuta grassabitur. Si vero haec caloris ac frigoris vis morbo statim suscitando impar sit; saepius tamen iterata, ut ex pravo cujuslibet stimuli ultra citrave sanitatis normam ac modulum usu obtingit, totum corpus, hepar vero praesertim, tanto languore ac inertia

inertia afficiet, ut non solum prava et immutata bilis secretio, sed etiam hepatitis vetusta, citius aut serius, pro causarum vi, tempore, et agendi modo subnascantur.

Hic vero nobis forsitan objicias, quaerendo, quare, scilicet, hepar, prae caeteris visceribus, hic loci inflammatione, tam frigidarum, quam nec frigidarum nimis nec calidarum regionum prole, potissimum laborat?

Si modi operandi, quo quaedam substantiae quaedam corporis organa afficiant; nempe quo salivae glandulas, hydrargyrum; renes cantharides; cutem exanthemata; modique, quo febres intermittentes, ac remittentes, paludum miasma; continuas vero contagio humana, excitent, rationem reddere clare potuissimus; forsitan hac similitudine suffulti, huic nodo solvendo, aliquatenus pares evaderemus.

Enim enimvero effectus, quos in plagis calidioribus edit, observanti, animoque mecum diligentius volventi, calor jecur, prae caeteris corporis

corporis humani visceribus, singulari, sui que generis modo, stimulare mihi videtur: quod valide confirmatur ex eo quod hic loci, bilis secretio eadem, qua cutis excretio adaugetur, ut caeteris excretionibus evenit ratione non imminuatur.

Nec non probabiliter fieri potest, ut jecur ventriculum inter et superficiem externam situm, hinc potus, illinc aëris, frigori, objectum, corpore nimis calefacto, multo magis irritabile fiat; vel eodem nimis refrigerato, potu simul inebriante, caloreve externo, agentibus, gravior effectus hac duplici causarum serie, edatur.

Licet vero nobis, morbum ex hisce causis quadantenus oriri, concedatur; alter tamen quare scilicet, in India Orientali, saepius quam in Occidentali, plagisque huic similibus grassetur, nodus solvendus superest: utcunque vero se res habeat; posito etiam quod coelum in hisce regionibus simillimum sit, hoc aliquibus ex supra laudatis causistribuendum esse,

esse, illasque majori vi in India Orientali, quam in Occidentali agere, totumque discrimen ex hoc dispari causarum opere pendere crediderim.

CAUSA PROXIMA.

Utpote de qua primae notae scriptores in sententias adversa fronte arietantes ivere, summis difficultatibus premi fatearis oportet: aliis aliud visum, hi morbum venae portarum, illi vero hanc sententiam, non solum non claram, sed etiam vero abfimilem, respuentes, arteriae hepaticae morbum vitio vertendum esse clamitant: quapropter meam ipsius sententiam, hic loci in medium allaturus, non sine metu, summaque diffidentia in arenam tremulus descendo.

Ex dictis bilem, non solum ineunte sed etiam progrediente morbo, plurimum praefertim vero quantitate, peccare liquido patet. Hac aegritudine tentatos, totos menses, imo etiam annos, signis e bilis vitio pendentibus,

E

quae,

quae, praesertim hepatitide vetusta ingruente, paulatim evanida, terga dant; progrediente vero, radicesque altius agente, secretione bilis plurimum tandem imminuta, penitus fere evanescent, observare liceat; acuta vero, noxa aliqua gravius excitante, exorta, bilis initio insigniter, morbi progressu brevi imminuenda, augetur.

His positis, si bilem ramulis venae portarum extremis secerni, concedatur, nemo diversas quas subit mutationes, ex hisce vasis aequaliter mutatis pendere, inficias ibit.

Clarissimus MONRO Professor noster jure celeberrimus, tunicam venae portae bovillae muscularem scalpello liquido demonstravit; licetque eadem in vena portae humana oculorum aciem fugiat, illam tamen in homine, aliisque animalibus simili artificio conflata, jure contendit. Ex his, eoque quod hepar longissime a corde, arteriisque distet, adeo ut non horumce impulsu, sed sua sponte, viribusque sibi insitis vena portae moveatur; ex eo
pariter,

pariter, quod hic loci sanguis ex ramis amplioribus, in angustiores et capillares ; quod ipsius motui obicem, plus minus ponat, necesse est, ut in arteriis fit, diffundatur, ex eo denique quod vena portarum valvulis instructa non fit ; ex his inquam omnibus rite perpensis, Professor noster celeberrimus sanguinem, non tantum vi a tergo, sed viribus venae ipsi propriis in hepar diffundi ; ipsamque viribus vivis a natura esse instructam, atque instar arteriarum, non solum irritabilem, sed etiam inflammationi opportunam esse, usitato suo argumentandi acumine rite contendit.

Hoc extra omnem dubitationis aleam nitido periculo posuit ; arteria hepatica animali ligata ; hepar non solum inflammationi, ut antea obnoxium, sed etiam partibus vicinis, ut aliis inflammationibus evenit, agglutinatum comperit. Nollem tamen hic arteriam hepaticam tanquam hujus mali immunem excipias ; contra ipsam in omni inflammationis exemplo acutae, plus minus laborare, colligas velim ;

velim ; ex eo enim quod non solum ramuli minutuli in omne hepar simul diffundentur, sed etiam quod oscula ipsarum extrema se invicem ubique hepatis amplexantur, fieri non potest, quin unâ ipsarum inflammata, altera statim exardeat.

Licetque nobis in quibusdam acutae, praesertim jecinoris tunicarum inflammationis exemplis, arteria hepatica, primario affici videatur ; attamen propter rationes jam supra allatas, venam portarum, plerumque hujusce morbi sedem primariam esse, non ponere non possumus.

Tamet si noxae utrumvis morbum incitantes eadem sint ; attamen pro rerum diversitate ; pro ipsarum vi ; prout subito, vel pedetentim in corpus egere ; vel prout systematis vires regionibus calidioribus diutius commorando, morbisve praeexistentibus fractae fuere ; effectus vel causa proxima, pro omnium harum rerum varietate, nunc acutam, alias vetustam hepatitiden excitantium, diversa erunt:

quapropter

quapropter hepatitiden acutam, totius systematis, hepatisque praesertim, *vim adauctam*; vetustam vero, eorundem *vim imminutam*, definire vellem.

DE PROCLIVITATE AD MORBUM.

Licet hepatitis acuta quamlibet aetatem impetere queat; aetate tamen florentes, temperamentum sanguineum, ex regionibus frigidioribus nuper appulso, quibusque fibra muscularis tensa, viresque morbis praeceuntibus fractae non fuerint, potissimum, vix unquam infantes, raro impuberes aggreditur. Temperamento vero melancholico praediti, quibus tum corporis, tum animi, vis, morbis quibuscumque, luxu, praesertim potu inebriante immodico, diutinoque regionis calore, frangitur, quibusque fibra laxa, in hepatitiden vetustam procliviores sunt. Si quid mihi propriae experientiae innitenti judicare fas sit; faeminas fere toties, quoties mares hoc morbo tentari, illisque saepius quam his, exitium afferri, facile

cile adducor ut credam. Menfes hoc malo laborantibus abefſe feruntur.

Neque praetereundum alia animalia, nulla cauſa evidente, ſi calorem excipias, incitante, in hunc morbum eſſe proclivia: numerus enim canum venaticorum ex Anglia, huc adventorum inſignis hoc malo e medio tolluntur: nihil magis quotidianum, quam canem domini deliciolum *hepate*, (ſic enim in India Orientali apud omnes morbus audit,) laborantem, hydrargyro tractari: et haec animalia, morbo jam ſuppuratione finito, abſceſſuque incifo, convaleſcere, certior factus ſum.

RATIO SYMPTOMATUM.

Ex omnibus quibus haec aegritudo ſtipatur ſignis, nullum, quam humeri, claviculamque ſubtus dolor, difficilius exponitur: licet enim, aliae ab aliis, phaenomeni rationem reddendi cauſa, ſententiae in medium illatae fuerint, nihilum tamen ad cauſam enucleandam profe- cerunt: tam horum, qui nervorum nexui, ſententia, quam qui inflammationi in diaphrag-
ma,

ma, septumque thoracis mediaſtinum, furrepenti, jecinoriſve ponderi adaucto, aſcribendum ponunt, nihili quidem pendendae ſunt: hoc enim ſignum, neque verae harum partium inflammationi, neque hepatis pondere et mole ſchirro adauctis, aſſeclam comperire eſt: quapropter huic phaenomeno obſcuro impar, nodum aliorum acumine ſolvendum, cuidamve naturae conſenſui, nondum ſatis perſpecto, adnumerandum in medio relinquimus. Singultus, dyſpnoea, tuſſis, decubitusque in ſiniſtrum latus difficilis, non ſolum ex inflammatione diaphragmati hepar jam tenerum comprimenti, pleuriſque coſtarum, et pulmonum obrepente, ſed etiam ex hepatis pondere, quod ligamenta ſua, quibus ſuſpenditur, quaeque pariter inflammatione probabiliter jam tentantur, deorſum gravat, exoriuntur. Humerorum convexitas ex doloris vacuitate, quam aeger, antrorſum incurvatus, experitur, diaphragmati, corpore ſic poſito, hepar multo minus comprimente, oriri videtur. Vomitus, qui ineunte

hepatitide

hepatitide acuta aegrum aliquando torquet, vel ex inflammatione, ventriculo tandem, superveniente, vel ex magna bilis vi, quae jam in duodenum diffunditur, ex hac autem ut mihi videtur, frequentius pendet.

Caeterorum vero, quae in hepatitide vetusta observantur, phaenomenon, ex visceris hujusce mole, ac magnitudine, ex bili quae, uti videtur, saepe qualitate peccat, imminuta ratio reddenda videtur.

P R O G N O S I S.

Antecedentium, morbi vis, temporisque quod duravit; aetatis, temperamentique, aegri ratione rite habita, de eventu satis accurate judicabitur. Si aegroti vires quovis luxu, morbis antecedentibus, viribusque caloris funestis plurimum frangantur, exitus infaustus praefigiendus est. Si medicus non nisi multis diebus elapsis, accersitus sit, anceps periculosusque exitus, etiamsi aeger morbo mitiori tentetur, ex eo quod tanta cum velocitate in supurationem

purationem praeceptis feratur, timendus est. Humeri claviculaeque dolor subtus gravis, tussis ficca, dyspnoea, praesertim si remediis idoneis brevi non cedant, semper periculum maximum ingruere praedicunt. Si alimenta per vetustâ laborantis canalem alimentarium, cito, parumque, nisi quod fastidium pessime olentia moveant, mutata ferantur, morbum pervicacem ancipitemque praenuncies.

Si contra, auxiliante medico, pyrexia, caeteraque signa importuniora insigniter brevi remittant, praesertim quavis exinanitione critica comitante, cutis simul humidae calore minuto. Sique morbo vetusto laboranti solitus oris color redintegretur; si faeces antea fastidium moventes jam sanorum similes, non amplius foeteant, exitum morbi faustum ac felicem absque errandi formidine ingruere praenuncies.

Si autem acutam vetusta temporis progressu excipiat, aegroque pristinae vires orisque decor non instaurantur; caute admodum nobis utpote quibus hic suppuratio timenda fit de

ancipite morbo augurandum est. Denique acuta, quam vetusta hepatitide laborantes magis vita periclitantur, modo haec auxiliis nondum tentatis longius provecta non fit. Suppuratio nullo non exemplo summum vitae discrimen minitatur.

CONSILIA MEDENDI.

Primo in hoc, sicuti in aliis morbis, causae remotae, quas supra jam recensuimus, quoad fieri potest, tollendae sunt. Cum vero ex probatis duae sint hujusce morbi species, *vetusta* scilicet ac *acuta*, natura et causa proxima, penitus diversae : curatio fit pariter duplex oportet.

Hepatitis acuta quae primo propter signa graviora periculumque quibus undique cingitur medici attentionem jure sibi vindicat, regimine antiphlogistico, sanguinis missione, catharticis, et vesicatoriis, de quibus figillatim paucis differendum, curanda est.

Regimen

Regimen antiphlogisticum hic, ut in omnibus viscerum ad vitam necessariorum inflammationibus rigide semper adhibendum, satis patet.

Sanguinis missio certis limitibus ne ultra citrave rectum excurrat pro aegroti aetate et viribus, morbi violentia, temporeque quod duravit, ut sua cuique prudenti medico ratio suadebit, circumscribenda est.

In regionibus calidis phlegmasiae tam brevi in diversae naturae morbos mutantur, ut venam non nisi cautissime pertundere fas sit; si enim primo, secundo, aut ad summum tertio morbi die, sanguinis missio non celebretur; non solum anceps, sed etiam plerumque periculosa plenum opus aleae futura est. Est eo quod in hanc rem animum non satis intendant, scalpellum stringentibus, rem saepius infauste cessisse facile crediderim: nullo nos enim auxilio modo limitibus supra dictis accurate circumscribatur praestantiore, potiri, experientia fretus, nil dubito asserere. In locis aridis
copiosius,

copiosius, quam in humidis, in his enim fibra debilis et laxa, sanguis mittendus: nautis qui cibo pravo parumque nutriente vesci coguntur tam haec quam quaelibet alia exinanitio parcius utenda.

Cathartica, si iisdem finibus quibus sanguinis missio limitentur, hoc malo laborantibus profunt; leniora vero ut tartarus solubilis, sal rupellenfis, &c. parvis dosibus propinata ita ut alvus leniter solvatur, anteferenda sunt: juxta venaesectionem,

Vesicatoriis maximam fidem ac fiduciam habeo: vesicatorium amplum parti affectae, quam potest proxime et successive diversis regionis hepaticae partibus applicandum erit; sic enim multo magis quam si fonticuli unguento epispastico fiant proderit. Agentibus vesicatoriis, diluentia copiosius, eo quod in calidis magis quam in frigidis regionibus urinae meatus afficiantur, propinanda.

Refrigerantia, qualia sunt fructus acidi, quippe qui sitim alvique duritiem jucunde levant,

vant, malo laborantibus plurimum prodesse experientia constat: sales medii, nitrum multa aqua solutum, et julapium salinum ex alkali vegetabili fixo et acido vegetabilium conflatum, ad curam facere constat.

Cum hepar iisdem quibus reliquum systema legibus gubernatur; acuta, si signa graviora sint diutiusve persistent, in suppurationem, aut vetustam, degenerando, desinat, oportet: jamque aliis de quibus infra auxiliis curanda est.

HEPATITIDIS VETUSTAE MEDENDI RATIO.

Auxilia quibus suffragante experientia, vetustae, utrum acutam aliumque quemcunque morbum excipiat, an primario exoriatur, optime medetur, sunt, laxantia mitiora, hydrargyrum, vesicatoria, tonica, &c.

Tubo alimentario parvis laxantium dosibus expurgato, ad *unguentum hydrargyri fortius*, quod primo copiosius, donec animae foetore in fluida intromissum percipiatur, postea vero parcius, ita ut vasa metallo onerata aliquan-

diu

diu stimulentur ; interim a ptyalismo, tam hic enim quam alibi obest, caute caventibus, confugiendum est. Regioni hepaticae modo hic vesicatoria applicata non sint affricandum est : hinc enim magna morbi levatio. Affrictus tempus admodum pro rerum diversitate diversum medico judicanti relinquendum est.

Vesicatoria, qualis modus operandi cunque sit, ut in acuta praecipitur, adhibenda, plurimum prodesse constat.

Dyspepsia, fibraeque muscularis laxitas, morbi satellites indivulsi, quam bene tonica et stimulantia morbo occurrant, digitis quasi designant : haec autem caute utenda, ad mitiora enim, qualia sunt infusa amara, parvulae tincturae corticis Peruviani, radicisque columbo, superaddita quantitate confugiendum. In victus tenuioris in acuta laudati vicem, cibus lautior concoctu facilis aromatibusque scite conditus sufficiens est. In India cibus cui nomen *curry* concoctu facilis, ex carne parvaeque vegetabilium portione conflatus, capsi-

co,

co, curcuma, aliisque aromatibus bene conditus, quem una cum oryza comedunt, plurimum invalescit. Post cibum unus aut alter Madeirae aliûsve vini meraci cyathus profunt: potus communis vinum aut sacchari spiritus aqua diluta fit: cerevisia enim utentibus acescit.

Ad signa importuniora, praecipue tussim quae tam in acuta quam in vetusta plerumque torquet, compescenda, nihil opio, quod mirandum levamen plerumque affert, praestantius est.

Si morbus hicce auxiliis pervicax non cedat, in coelum mitius ac purius migrando, hydrargyro interim caeterisque remediis aliquandiu repositis, et denuo post aliquod temporis resumptis, aegrotus saepe convaluit.

Si haec votis parum respondeant; in aliquam Indiae Sinarumque regionem longinquam navigantibus res saepe feliciter cedit.

Diarrhoea, saepe mali comes, adeo importuna est, ut aegrum ad remedia astringentia saepius

pius adigat: haec vero, quippe quae suppurationi haud leviter faveant, pessimos semper edunt effectus; et nisi alvi proluvies tanta cum immanitate saeviat, ut vitae periculum ingruat, cane pejus et angue vitanda sunt. Hydrargyro abdomini affricato, lanulaeque postea indutae terga plerumque dat signum ingratum. Aegroto in equo aut curru exercitatio lenis pro viribus utenda, interimque a coeli intemperie caute cavendum.

Suppuratione exorta, tonica validiora et stimulantia, qualia sunt corticis Peruviani pulvis, vinum rubrum vel Madeirense utenda sunt. Abscessus extrorsum tumens quam primum scalpello incidendus est: si autem viam sibi in intestina edax patefaciat, laxantibus mitioribus, ne partis erosae hiatus justo citius agglutinetur, neve ductus communis choledochus, si hac forte pus ruat, oppiletur, leniter stimulanda sunt.